



Us de Region

Ech gseh die Weizefäuder, ond schmöcke scho mis Brot.
Die grüne Böim vou Fröcht, vo violett, gäub bes rot,
Ech lueg de Rüeblü wachse, ond de Tier bem weide zue,
Mi Lieblingschäs chond velech, grad vo dere bruune Chue

S Guete liid, grad vorem Huus, gang nor zor Tören us

**Us de Region, wie du ond ech,
wo's Deheime, vo üs aunen esch
Us de Region, frösch ofe Tisch
ech weiss vo wo, vo wo das aus esch
S esch vo do, do, do, do**

Do könni Land ond Lüüt, do könni jede Stei.
Ond gsehni Königin, de weissi do beni dehei,
Vom Napf es Zogerland ond vom Brünig bes zom Stoss,
vom Stanserhorn zom Brischte, es Wauwiler Moos

**Us de Region, wie du ond ech,
wo's Deheime, vo üs aunen esch
Us de Region, frösch ofe Tisch
ech weiss vo wo, vo wo das aus esch
S esch vo do, do, do, do**

S Guete liid, grad vorem Huus,
Gang nor zo de Tören us,
För dis Härz, ond ou för dine Buch
s esch vo do, vo do, vo do, vo do

**Us de Region, wie du ond ech,
wo's Deheime, vo üs aunen esch
Us de Region, frösch ofe Tisch
ech weiss vo wo, vo wo das aus esch
S esch vo do, do, do, do Us de Region**